

職方典第二十九卷

順天府部藝文五

詩一

擬古

晉陶潛

辭家夙嚴駕當往至無終問君今何行非商復非戎聞有田子春節義爲士雄斯人久已死鄉里習其風生有高世名旣沒傳無窮不學狂馳子直在百年中

登薊丘樓送賈兵曹

唐陳子昂

東山宿昔意北征非我心孤負平生願感涕下沾襟暮登薊樓上永望燕山岑遼海方漫漫塵沙飛且深峨眉杳如夢仙子曷由尋擊劍起歎息白日忽西沉聞君洛陽使因子寄南音

又登幽州臺歌

前人

前不見古人後不見來者念天地之悠悠忽愴然而涕下

薊丘覽古贈盧居士藏用

六首

前人

丁酉歲吾北征出自薊門歷觀燕之舊都其城池霸迹已蕪沒矣乃慨然仰歎憶樂生鄒子羣賢

之遊盛矣因登薊樓作六詩以志之寄終南盧居士亦有軒轅遺蹟也

北登薊丘望求古軒轅臺應龍已不見牧馬生黃埃尙想廣成子遺蹟白雲隈
南登碣石館遙望
黃金臺丘陵盡喬木昭王安在哉霸圖悵已矣驅馬復歸來
王道已淪昧戰國競貪兵樂生何感
激仗義下齊城雄圖竟中天遺嘆寄阿衡
秦王日無道太子怨亦深一聞田光義匕首贈千金其
事雖不立千載爲傷心
自古皆有死殉義良獨稀奈何燕太子尙使田生疑伏劍誠已矣感我涕
沾衣
大運淪三代天人罕有窺鄒子何遼廓漫說九瀛垂興亡已千載今也則無推

黃金臺

岑義

雕牆峻宇無不亡薊城築宮國乃昌屈身延士禮優異四方英俊如雲翔郭生馬喻眞良策亟拜樂
卿爲上客兵行旬日入臨淄秦楚諸君咸辟易夙心已雪先王恥七十齊城祇餘二君王先去主帥
逃嘆息後人非繼志巍臺悲慘朔風號不知騎劫何時招

北風行

李白

燭龍棲寒門光曜猶旦開日月照之何不及此惟有北風號怒天上來燕山雪花大如掌片片吹落

軒轅臺

幽州臺

前人

燕昭延郭隗遂築黃金臺劇辛方趙至鄒衍復齊來奈何青雲士棄我如塵埃珠玉買歌笑糟糠養賢才方知黃鵠舉千里獨徘徊

漁陽詩

杜甫

漁陽突騎猶精銳赫赫雍王都節制猛將飄然恐後時本朝不入非高計祿山北築雄武城舊防敗走歸其營繫書請問燕耆舊今日何須十萬兵

奉使入居庸

高適

匹馬行將夕征途去轉難不知邊地別祇訝客衣單溪冷泉聲苦山空木葉乾莫言關塞極雨雪尙漫漫

簡中作

前人

策馬自沙漠長驅登塞垣邊城何蕭條白日黃雲昏一到征戰處每愁敵騎翻豈無安邊書諸將已

古今圖書集成
承恩惆悵孫吳事歸來獨閉門

望薊門

祖詠

燕臺一望客心驚
簫鼓喧喧漢將營
萬里寒光生積雪
三邊曙色動危旌
沙場烽火連胡月
海畔雲山擁薊城
少小雖非投筆吏
論功還欲請長纓

送客還幽州

李益

悵悵秦城送獨歸
薊門雲樹遠依依
秋來莫射南來鴈
縱遣乘春更北飛

題范陽金臺驛

楊巨源

六國惟求客千金
遂築臺若令逢聖代
憔悴郭生回

詠史

柳宗元

燕有黃金臺遠致望諸君
嗷嗷事強怨三歲有奇勳
悠哉關疆理東海漫浮雲
寧知世情異嘉穀坐煢焚
致令委金石誰顧蠡蠕羣
風波歟潛構遺恨意紛紛
豈不善圖後交私非所聞
爲忠不內顧晏子亦垂文

石鼓歌

韋應物

周宣王大獵兮岐之陽刻石表功兮燁煌煌石如鼓形數止十風雨缺訛苔蘚澀今人濡紙脫其文
既擊既掃白黑分忽開滿卷不可識驚潛動蟄走云云喘逶迤相糾錯乃是宣王之臣史籀作一書
遺此天地間精意長存世溟漠秦家祖龍還刻石碣石之罘李斯迹世人法古猶好傳持來比此殊
懸隔

前題

韓愈

張生手持石鼓文勸我試作石鼓歌少陵無人謫仙死才薄將奈石鼓何周綱凌遲四海沸宣王憤
起揮天戈大開明堂受朝賀諸侯劍佩鳴相磨蒐于岐陽騁雄俊萬里禽獸皆遮羅鐫功勒成告萬
世鑿石作鼓墮嗟峨從臣才藝咸第一簡選撰刻留山阿雨淋日炙野火燒鬼物守護煩撝訶公從
何處得紙本毫髮盡備無差訛辭嚴義密讀難曉字體不類隸與蝌年深豈免有缺劃快劍斫斷生
蛟鼉鸞翔鳳翥衆仙下珊瑚碧樹交枝柯金繩鐵索鎖鈕壯古鼎躍水龍騰梭陋儒編詩不收入二
雅褊迫無委蛇孔子西行不到秦倚墟星宿遺義娥嗟予好古生苦晚對此涕淚雙滂沱憶昔初蒙

博士徵其年始改稱元和故人從軍在右輔爲我量度掘曰科濯冠沐浴告祭酒如此至寶存豈多
氈包席裏可立致十鼓止載數橐馱薦諸太廟比鄧鼎光價豈止百倍過聖恩若許留太學諸生講
解得切磋觀經鴻都尙填咽坐見舉國來奔波剗苔剔蘚露節角安置妥帖平不頗大厦深檐與蓋
覆經歷久遠期無他中朝大官老于事詎肯感激徒媿嬰牧童敲火牛礪角誰復著手爲摩挲日銷
月鑠就埋沒六年西顧空吟哦義之俗書趁姿媚數紙尙可博白鵝繼周八代征戰罷無人收拾理
則那方今太平日無事柄用儒術崇丘軻安能以此上論列願借辨口如懸河石鼓之歌止于此於
乎吾意其蹉跎

韋韓二作石鼓在陝西梅蘇諸作則石鼓在汴然所詠皆今日石鼓也後人皆權輿於此

燕臺二首

聶夷中

燕臺累黃金上欲招儒雅貴得賢士來更進於隗者自然樂毅徒趨風走天下何必馳鳳書旁求向
林野 燕臺高百尺燕滅臺亦平一種是亡國猶得禮賢名何似章華畔空餘禾黍生

燕昭王墓詩

羅隱

戰國蒼茫難重尋此中蹤跡想知音強停別騎山花曉欲弔遺魂野草深浮世近來輕駿骨高臺何

處有黃金思量郭隗平生事不殉昭王是負心

哭劉司戶詩

李商隱

有美扶皇運無誰薦直言已爲秦逐客復作楚冤魂
滯浦應分淚荆江有會源并將添恨淚一灑問乾坤

燕臺

無名氏

燕昭北築黃金臺四方豪傑乘風來秦家燒書殺儒客
肘腋之間千里隔去年八月幽州道昭王墓前哭秋草
今年五月咸陽關秦家城外悲河山河上關頭車馬路
殘日青烟五陵樹

黃金臺

胡曾

北乘羸馬到燕然此地何人復禮賢欲問昭王無處所
黃金臺上草連天

經賈島墓作

鄭谷

水邊荒墳縣路斜耕人訝我久咨嗟重來兼恐無尋處
落日風吹鼓子花

紫濛遇風

宋韓琦

草白岡長暮驛賒朔風終日起平沙寒鞭易促障泥躍冷袖難勝便面遮迴嶺卷回雲族破遠天吹入鴈行斜土囊微乞緘餘怒留送歸程任擺花

燕臺歌

司馬光

萬古蒼茫空盛衰燕臺賢客姓名誰君看碣石島中草寧似昭王擁篲時

涿州詩

王安石

涿州沙上飲盤桓看舞春風小契丹塞雨巧催燕淚落濛濛吹濕漢衣冠

詠樂毅

邵雍

樂毅事燕時其心有深旨破齊七十城迎刃不遺矢豈留卽墨莒却與燕有二欲使燕遂王天下自齊始豈意志未伸昭王一旦死惠王固不知使人代其位強燕自此衰何能復振起自古君與臣際會非容易重惜千萬年英雄爲流涕

雷逸老倣石鼓文見遺因呈祭酒吳公作

梅堯臣

石鼓作自周宣王宣王發憤蒐岐陽我車我馬攻旣良射夫其同弓矢張舫舟又漁縛鱣魴何以貫

之維柳楊從官執筆言成章書在鼓腰鐫刻臧歷秦漢魏下及唐無人著眼來形相村童戲坐老死
喪世復一世如鳥翔惟閔元和韓侍郎始得紙本歌且詳欲以氎衣歸上庠大官嬋嬰馳肯將傳至
我朝一鼓亡九鼓缺剝文失行近人偶見安碓牀云鼓作臼刳中央心喜遺篆猶在旁以曰易曰庸
何傷以石補空恐春梁神物會合居一方雷氏有子胡而長日模月倣志慕強聚完辨舛經星霜四
百六十飛鳳凰書成大軸綠錦裝偏斜曲直筋骨藏搗之謁我巧趨踰我無別識心徬徨雖與乃父
非故鄉少與乃父同杯觴老向太學爨已蒼樂子好古親繅紉誰能千載師史蒼勤此冷淡何肝腸
而今祭酒祿聖皇五經新石立兩廊我欲効韓非痴狂載致出關無所障至寶宜列孔子堂固勝朽
版堆屋牆然須雷生往度量登車裏護令相當誠非急務煩紀綱太平得有朝廷光山水大字肇已
嘗于此豈不同糝糠海隅異獸乘舟航連日道路費芻糧又與茲器殊柔剛感慨作詩聊激昂願因
諫疏投皂囊夜觀奎壁正吐芒天有河鼓亦焜煌持此負鼎干成湯

石鼓歌

蘇軾

冬十二月歲辛丑我初從政見魯叟舊聞石鼓今見之文字鬱律蛟蛇走細觀初以指畫肚欲讀嗟

如鉗在口韓公好古生已遲我今況又百年後強尋偏傍推點畫時得一二遺八九我車旣攻馬亦同其魚維鯁貫之柳古器縱橫猶識鼎衆星錯落僅名斗模糊半已似癡牴牾曲猶能辨跟肘娟娟缺月隱雲霧濯濯嘉禾秀稂莠漂流百戰偶然存獨立千載誰與友上追軒頡相唯諾下揖冰斯同轂轂憶昔周宣歌鴻鴈當時史籍變蝌斗厭亂人才思聖賢中興天爲生耆耄東征徐方闕虢虎北伐犬戎隨指嗾象胥雜還貢狼鹿方召聯翩賜圭卣遂因鞀鼓思將帥豈爲考擊煩矇眊何人作頌比崧高萬古斯文齊响宴勳勞至大不矜伐文武未遠猶忠厚欲尋年代無甲乙豈有文字記誰某自從周衰更七國竟使秦人有九有掃除詩書誦法律投棄俎豆陳鞭撻當年何人佐祖龍上蔡公子牽黃狗登山刻石頌功烈後者無繼前無偶皆云皇帝巡四國烹威強暴救黔首六經旣以委灰塵此鼓亦當隨擊陪傳聞九鼎淪泗上欲使萬夫沉水取暴君縱欲窮人力神物義不污秦垢是時石鼓無處避無乃天工令鬼守興亡百變物自閒富貴一朝名不朽細思物理坐嘆息人生安得如汝壽

岐山之陽石爲鼓叩之不鳴懸無虞以爲無用百無直以爲有用萬物祖置身無用有用間自託周
宣誰敢侮宣王沒後墳壘平秦野蒼茫不知處周人舊物惟存此文武遺民盡囚虜鼎鐘無在鑄戈
戟宮殿已倒生禾黍厲宣子孫竄四方昭穆錯亂不存譜時有過客悲先王綢繆牖戶徹桑土思宣
不見幸鼓存由鼓求宣近爲愈彼皆有用世所好天地能生不能主君看項籍猛如狼身死未冷割
爲脯馬童楊喜豈不仁待汝封侯非怨汝何況外物固已輕毛擒翡翠尾執麈惟有蒼石于此時獨
以無用不見數形骸偃蹇任苔蘚文字斲剝困風雨遭亂旣以無用全有用還爲太平取古人不見
見遺物如見方召與申甫文非科斗可窮詰簡編不載無訓詁字形漫汗隨石缺蒼蛇生角龍折股
亦如老人遭暴橫頤下髭禿口齒齟形雖不具意可知有云楊柳貫魴鱖魴鱖豈厭居溪谷自投網
罟入君俎柳條柔弱長百尺挽之不斷細如縷以柳貫魚魚不傷貫不傷魚魚樂死登之廟中鬼神
格錫汝豐年多稔黍宣王用兵征四國北摧犬戎南服楚將帥用命士卒驩死生不顧闕虢虎閭之
何術能使然撫之如子敬如父弱柳貫魚魚弗違仁人在上民不怒請看石鼓非徒然長笑太山刻

秦語

炕寢

朱弁

風土南北殊習尚非一躡出疆雖仗節入國整同俗淹流歲再殘朔雪滿崖谷禦冬貂裘弊一炕且
跼伏西山石爲薪黝色驚射目方熾絕可邇將盡還自續飛飛湧元雲燄燄積紅玉稍疑雷出地又
似風薄木誰容鼠棲冰信是龍銜燭陽曦助喘息未害搖空腹惠氣生袴襦仍工展拳足豈惟脫膚
鱗兼復平體粟負暄那用詫執熱定思沃收功在歲寒較德比時燠雖餘炙手炤寧有爛額酷矧當
凝冰辰炎帝獨回轂元冥真退聽祝融端可祿嗟予亦何者萬里歌黃鵠偃仰對窗扉妍煖謝衾褥
壯懷羞電媚晚悟笑突曲因思墮指人暴露苦戰塚頻年未解甲蹈此鋒刃毒遙知革輅中盱食安
豆粥陪臣將命來意懇誠亦篤有奇不爲吐何術止南牧君心想更切臣罪何由贖此身雖自溫此
志轉煩促論武貴止戈天必從人欲安得四海春永作蒼生福聊擬少陵翁秋風賦茅屋

琉璃河

范成大

疎林葱蒨帶回塘橋影驚人入睡鄉陡起褰帷揩病眼琉璃河上看鴛鴦

灰洞 二首

前人

塞北風沙漲帽簷路經灰洞十分添據鞍莫問塵多少馬耳冥濛不見尖
燕石扶闌玉作堆柳塘
南北抱城迴西山剩放龍津水留待官軍飲馬來

經樓桑劉先主故宅作

文天祥

我過梁門城樓桑在其北元德已千年青煙邈故宅道旁爲揮淚徘徊秋風客天下臥龍人多少空
抱膝

過雪橋琉璃橋

前人

小橋度雪度琉璃更有清霜滑馬蹄遊子衣裳如鐵冷殘星荒店亂鳴雞

過居庸關

金字文虛中

奔峭從天坼懸流赴壑清路迴穿石細崖裂與藤爭花已從南發人今又北行節旄都落盡奔走媿
平生

從顯宗皇帝幸龍泉寺應制

釋重玉

一林黃葉萬山秋鑾仗叅陪結勝游怪石爛熳蹲玉虎老松蟠屈臥蒼虬俯臨絕壑安禪室迅落危

厓瀉瀑流可笑紅塵奔走者幾人於此誓心休

梁園春詞

元好問

雙鳳簫聲隔綵霞宮鶯催賞玉谿花誰憐麗澤門邊柳瘦倚東風望翠華

仙人橋

趙秉文

絕澗初無路通仙忽有橋偶攜青竹杖平步到雲霄

出居庸

蔡珪

亂石妨車轂深沙困馬蹄天分斗南北人間日東西側脚柴荆短平頭土舍低山花兩三樹笑殺武陵溪

涿郡先主廟詩

王寂

當年竹馬戲兒曹笑指樓桑五丈高故國神遊得無恨壞垣風雨夜蕭騷

南口

劉迎

危峯張屏障峻壁開戶牖崩騰來陣馬翔舞下靈鷲秀色分後前晴嵐迷左右重陰忽障翳虛籟競

呼吼深紆愛風日高亢捫星斗帝居望北闕村落當南口軍都漢時縣遺跡奄存否中郎讀書處亭
構想摧朽誰云用武地經訓乃淵敎我家膠東湄樸學嘆白首居鄰通德里況此見師友慙無書帶
草采采爲盈手何以醉先生清溪綠如酒

過八達嶺

前人

山險路已出彌望盡荒坡風度日已殊氣象惟沙飈我老倦行役驅車此經過時節春已夏土寒地
無禾行路不肯留奈此居人何

摧車行

前人

渾河洶湧從西來黃流正觸山之崖山崖路窄僅容過小誤往往車輪摧輪摧料理動半日後人欲
過何艱澀深山日暮人已稀食物有錢無處覓何時真宰遣六丁鑿此疊嶂如掌平憧憧車馬山西
路萬古行人易來去

旃檀像

前人

我昔游京師稽首禮瑞像堂堂紫金身示現大法藏莊嚴七寶九重壘九霞帳光如百千日晃耀不

容望想初法王子運力攝諸匠環材發神祕妙斲出智創風流蜀居士翰墨老彌壯雷霆大地底音
樂諸天上猶疑三十二不具梵音相不知一點真正勝千語浪嗚呼五因緣語綺反成謗我今獨何
宰相見問無恙文殊本無二何處覓真妄廣修香火供獲脫煩惱障天龍相驚喜訶衛日歸向已覺
海潮音人天會方丈

石鼓詩

張養浩

粵自鴻蒙剖元祕天祚有熊炎帝繼侯剛覃思神與凝摹寫三千入書契蒼姬一變史籀出鯨攫爨
咄鳳變振羸秦自帝不古師遂使姦斯愚叔世當時玉飭天下獨爾後爭奇古文棄末流諸子相祖
述刻樸遺淳趁姿媚我嘗慨此愧疎淺一髮空危萬鈞係揭來庠宇覩石鼓玉立儼然三代器細思
伊始將安庸或謂宣王章獵事且疑且信邈難詰日月羣陰欲食旣半爲雷電下取將僅餘二百七
十二貞堅不墮劫火灰蒼古猶含太初氣世間鐘鼎瓦礫如隻辭千金未爲貴昌黎作歌恨才薄坡
老來觀惜時異區區流轉又幾朝終不能忘見天意若令好事堪把玩攘竊空應窮萬計平生漫有
博物名迫視不能詳一字沉吟獨立西風前喬木荒烟日西墜